



Aningaasaqarnermut Naalakkersuisoq

Ulloq sisamangorneq 1. juli 2010 Aningaasaqarnermut ataatsimiititaliap aalajangernera pillugu Naalakkersuisunut paasissutissiineq - Suliaq nr. 01.31.06/10-00481

Peqqinnissaqarfimmut ilassutitut aningaasaliissutit – Nakorsaatitut aningaasartuutit.

Naalakkersuisut *inassutigaa*.

konto pingaarnermi 34.12.05, Nuna tamakkerlugu nakorsaaserisoqarfik, 5.000.000 kr.-inik qaffanneqassasut.

Aningaasaqarnermut ataatsimiititaliap oqaaseqaatai

Suliami matumani pineqartumi 5. mio. kr.-inik ilassutitut aningaasartuutissatut nakorsaatitut aningaasartuuteqarnerulernermik pissuteqartumik Naalakkersuisut qinnuteqarput.

Taamatut ilassutitut aningaasalissuteqarnissaq Aningaasaqarnermut ataatsimiititaliamit ajuusaarnartutut isigineqarpoq, kisiannili allaanerusumik iliuuseqarsinnaannginnamik akueriinnartariaqarlugu.

Nunani allani napparsimasunut katsorsaarnermi aningaasartuutit qaffakkaluttuinnartut pillugit Ataatsimiititaliap qanittukut aalajangernissaani taaneqartutut (Suliaq 10-480) siunissami peqqinnissaqarfimmi missingersuusiortarneq piviusorsiorpalaarnerusariaqarpoq. Aningaasanut inatsisissap tulluuttup suliarineqarnissaanut atatillugu tamanna isiginiarneqalissasoq Ataatsimiititaliamit naatsorsuutigineqarpoq.

Saqqummiussami takuneqarsinnaavoq Peqqinnissaqarfik 2010-imut 5,0 mio. kr.-inik missingersuutini aningaasaliissutinik sippuinissamik missingersuusiorsimasoq. Aningaasaqarnermut ataatsimiititaliap naatsorsuutigivaa tamanna *missingersuutininik malitseqartitsinerusooq* taamaangippammi Missingersuusiorneq pillugu Inatsimmik unioqquitsinerussammat Naalakkersuisoqarfiup missingersuusiornermi aningaasaliissutini eqquutsinnaanngikkunigit. Tamanna Naalakkersuisunut ilaasortamut uppersaqquneqarpoq.

Ammattaq saqqummiussami takuneqarsinnaavoq, najukkani peqqinnissaqarfii aningaasartuutaannik, najukkani peqqinnissaqarfinni ataasiakkaani katsorsaarnernut ataasiakkaanut ataattillugu nakorsaatit pillugit missingersuusiarninnik atuinerat annertuvallaarujussarpat Nuna tamakkerlugu nakorsaaserisoqarfik utertitsinissaq pillugu periarfissamik pilersitsisoqarnissaanik kissaateqartoq. Qinnuteqaammulli atatillugu sukkut

tamanna attuumassuteqarnersoq paasiuminaappoq. Naalakkersuisunut ilaasortamut tamanna itisileqquneqarpoq.

Aningaasaqarnermut ataatsimiititaliap aalajangenera

Naalakkersuisut inassuteqaataat Aningaasaqarnermut ataatsimiititaliamit **akuerineqarpoq**. Naalakkersuisut Akissuteqaat kalaallisut danskisullu naqitaq ullumikkuminngaanniit sapaatit akunneri pingasut qaangiutsinnagit nassuteqquneqarpoq. Qarasaasiakkut nuutinnera unnga nassiunneqassaaq: nch@ina.gl.

Aningaasaqarnermut ataatsimiititaliaq sinnerlugu

Naaja Nathanielsen
Aningaasaqarnermut ataatsimiititaliamut Siulittaasoq